

劍州志卷之二十四

州牧桂林李梅賓纂修

宜賓楊端編輯

詩銘

晉

劍閣銘

張載

巖巖梁山積石峩峩遠連荆衡近綴岷峨南通邛犍
北達褒斜狹過彭碣高踰嵩華惟蜀之門作固作鎮
是曰劍閣壁立千仞窮地之險極地之峻世濁則逆

劍州志

詩銘

一

道清斯順閉由往漢開自有晉秦得百二并吞諸侯
齊得十二田生獻籌矧茲狹隘土之外區一人荷戟
萬夫趨赴形勝之地匪親勿居昔有武侯中流而喜
山川之固見屈吳起洞庭孟門二國不祀興實在德
險亦難恃自古及今天命不易憑阻作昏鮮不敗續
公孫既沒劉氏啣璧覆車之軌無或垂跡勒銘山阿
敢告梁益

唐

幸蜀西至劍門

玄宗皇帝

自帝幸及蜀今至敗劍門相顧繼謂豈侍非臣曰德劍閣在天險耶因此
題駐詩驛

劍閣橫雲峻，鑾輿出狩回。翠屏千仞合，丹嶂五丁開。
灌木縈旗轉，仙雲拂馬來。乘時方在德，嗟爾勒銘才。

劍閣賦

李白

咸陽之西，直望五千里。見雲峯之崔嵬，前有劍閣橫。
斷倚青天而中開，上則松風蕭颯，瑟飈有巴猿兮相。
哀，旁則飛湍走壑，灑石噴閣，洶湧而驚雷。送佳人兮
此去，復何時兮歸來。望夫君兮安極，我沉吟兮歎息。

劍州志

詩銘

二

視滄波之東注，悲白日之西匿。鴻別燕兮秋聲，雲愁
秦而暝色。若明月出於劍閣兮，與君兩相鄉。對酒而
相憶。

蜀道難

李白

噫吁戲，危乎高哉！蜀道之難，難於上青天。蠶叢及魚
鳧，開國何茫然。爾來四萬八千歲，不與秦塞通人烟。
西當太白有鳥道，可以橫絕峨眉巔。地崩山摧壯士
死，然後天梯石棧相鈎連。上有六龍迴日之高標，下
有衝波逆折之流川。黃鶴之飛尚不得過，猿猱欲度

愁攀援青泥何盤盤百步九折縈岩巒捫參歷井仰
脅息以手撫膺坐長嘆問君西遊何時還畏途巖巖
不可攀但見悲鳥號古木雄飛從雌繞林間又聞子
規啼夜月 愁空山蜀道之難難於上青天使人聽
此凋朱顏連峯去天不盈尺枯松倒掛倚絕壁飛湍
瀑流爭喧豨砢巖轉石萬壑雷其險也如此嗟爾遠
道之人胡爲乎來哉劍閣崢嶸而崔嵬一夫當關萬
夫莫開所守或匪人化爲狼與豺朝避猛虎夕避長
蛇磨牙吮血殺人如麻錦城雖云樂不如早還家蜀

劍州志

詩 銘

三

道之難難於上青天側身西望長咨嗟

劍門銘

李德裕

羣山西來波積雲屯地險所會斯爲蜀門層岑峻壁
森若戈戟萬壑奔東雙飛高闕翠嶺中橫黯然黛色
樹若旌屏以衛王國

劍門詩

惟天有設險劍閣天下壯連山抱西南石角皆北向
兩崖崇墉倚刻畫城郭狀一夫怒臨關百萬未可傍
珠玉走中原岷峨氣淒愴三皇五帝前雞犬莫相故

後正尚柔遠職貢道已喪至今英雄人高視見霸王
并吞與割據極力不相讓吾將罪直宰意欲鏟疊嶂
恐此復偶然臨風默惆悵

前題

李白

征塵輕拂建章臺聖主西遊蜀道來劍壁門高五千
丈石爲樓閣九天開

前題

李德裕

竒峰百仞縣清眺出嵐烟迥若戈回日高疑劍倚天
參差霞壁聳合沓翠屏連想是三刀夢森然在目前

劍州志

詩銘

四

前題

李商隱

峻壁橫空限一隅劃開元氣建洪樞梯航百貨通邦
計鍵閉諸蠻屏帝都西蹙犬戎威北狄南吞荆郢制
東吳千年管鑰誰鎔範只自先天造化爐

宋

題劍門

周惇頤

劍立溪峯信險深吾皇大道當天心百年外戶都無
閉空有關名典貢琛

前題

趙忭

倚劍峯巒插太虛，高門中闢限坤隅。
奸雄莫謂關防險，一百年來自坦途。

雨過劍門

陸放翁

衣上征塵雜酒痕，遠遊何處不消魂。
此身合是詩人未，細雨騎驢入劍門。

宿武連縣

陸放翁

平日功名浪自期，頭顱到此不難知。
宦情薄似秋蟬翼，鄉夢多如春繭絲。
野店風霜趣裝早，縣橋燈火下程遲。
寒鞭慰手戎衣窄，忽憶南山射虎時。

劍州志

詩銘

五

漢中行

缺

黃裳

漢中沃野如關中，四五百里烟濛濛。
黃雲連天夏麥熟，水稻漠漠吹秋風。
七月八月穠稔紅，一家往往收千鍾。
行人歎息風土好，居人生計何草草。
老翁扶杖泣我前，此事何堪與君道。
君不見，十萬如貔貅，椎牛釃酒不得飽。
休，場雖滿，眼十有八九歸，米更和糴，顆粒無乾餼。
雖食我肉不敢言，馬如雲動，民間口邊奪食與馬，馬飽。

明知但吁嘆，百姓俛首當。

村落蕭條往來絕，君莫問我。

言眼流血似聞今年春，關外四五州。

歲饑人無食，餓者頗亦稠。蕃人欲寇邊，此事信有不
時塗苟如此，人生不如死死。即萬事休生，則何時已。
語多情極，辭轉哀。野風颯颯吹黃埃，荒村相對兩鳴
咽。收淚問我何方來，作官騎馬不易得。具與天子憐
嬰孩老翁已老死，不惜家有兒孫方戢戢。願君富貴
爲愛惜，莫教還似翁今日。

劍州志

詩銘

六

罷糴行

有序

黃裳

裳癸巳歲遊漢中，聞民間病和糴久矣。而在位諸
公未有一語及之者，嘗賦一詩，謂之漢中行。極言
其事，其末云：願公富貴爲愛惜，莫教還似翁今日。
盖有所諷也。屬聞總領大卿慨然起罷糴之請，行
之一年，其效遂白。裳感歎之餘，因記憶舊詩所謂
漢中行者，續賦一篇云：罷糴行，二詩盖相爲表裡。
漢中行雜於諷，而罷糴行顛於美也。諷刺頌美古
詩之遺意，雖聖人不廢，用是敢賦諸下執事。□□

□頭八戶秋田熟南村北□夜春粟□平□丁□雙
愉載未入場聲轆轤官置斗斛人自是市□日與時
低昂得錢却載車上去出門掉臂歸□鄉老公□□
笑且語大兒踏歌小兒舞□□吹罷□□□□□前
年輸糴苦田頭刈禾人衣歸克已打□□□□□爲
和糴實強取使我父子長寒飢今年官填□糴米賣
米得錢固具理力排衆議改□□聞□郎中人□□
□□無力□天公但願穀米年年豐年年與官足兵
食三軍飽食眠秋風卽中歸坐天子側更與小民說

劍州志

詩銘

七

休戚莫使明年復開糴老翁還作前年泣

故侍讀黃公挽詩

權安節

西南人物早推先人踐華途譽望全朱邸談經忠貫
日黃扉批弱□回天敬王素學眞無負憂國沉疴竟
莫痊初政遽辜求助意忿觀遺事照青編

□願□門□□□歸航僅得拜靈輻眞淳夙□三朝
□□□□同四海悲雙劍高名□□□□原遺□有
□知哀喪目擊追□□理玉臨風□滿□

前題

家誠之

經學淵源貫古今，三朝便結眷知深。
功名盖世十年事，忠義通天一寸心。
皓客固知成漢翼，甘盤終不到商霖。
曹蜎百輩生何益，轉使英雄淚滿襟。

自從朱邸翊元良，聖學磨礪日就將。
嗜鮑豈容登鼎俎，剪桐爭肯戲圭璋。
經筵猶有八圖在，御座俄驚一鑑亡。
卹典隆名雖寵渥，何如大政細平章。

棘闈尚記一窻隣，把酒論文情獨親。
轍跡我猶循井絡，履聲公已上星辰。
追思九鼎回天力，莫贖萬金憂國身。
老去驅車雙劍道，忍看高冢卧麒麟。

劍州志

詩銘

八

吊黃忠文墓

墓與靈芝寺近

無名氏

寶祐中作

唐興遲魏證，商治出甘盤。
洗日明光炫，回天哲命寬。
箴規三蔽盡，理亂八圖看。
惆悵靈芝晚，松聲墮雪寒。

題大劍山

慕容百才

李勢非嵎虎，公孫是井蛙。
聖朝無外戶，夷壤盡爲家。
疊嶂寧須鏟，亭藪久廢撾。
原鱗生駱谷，鈞駟入彭衙。
關失千年壯，方表萬里遐。
商淵盈瀕洞，使節徧谿沓。
岑蔚誰驚鳥，豐芟自樂麇。
烽屯開雨雪，樵爨老烟霞。
帝德朝宗地，仙遊上漢槎。
賞竒酬酒興，擿藻謝詩葩。

堦走楓林葉，窻催柏燭花。山亭無刻漏，隱几待鳴鴉。

明

題劍州八景詩次盧雍元韻

盧雍元詩失

楊

瞻

劍閣天險

萬丈削崖，日月懸。昂頭只見一分天，蜀門鎖鑰秦函谷。不負謫仙詩一篇。

鶴鳴古刻

結對明皇，反頌功名。明皇流落亂離中，磨崖文字雖剝落，猶記漁陽膽氣雄。

劍州志

詩銘

九

聞溪水雷

汪洋奔入大江來，雨助狂瀾知幾回。走石流沙驚水怪，野人錯說是風雷。

五華晴嵐

五指屹然五弟兄，擎天摩日兩分明。雨雷纔向山頭過，蒼綠無涯處處生。

嘉陵月色

不斷長江悠更悠，隨波皓魄伏中流。清光蕩漾鑠金碧，萬里乾坤醉素秋。

龍洞靈湫

古洞潛龍畜碧湫，澄清妝點此山幽。
有時大旱作霖雨，可解三農凶歲憂。

漢陽霞綺

落霞彩色絢山頭，天際清明宿雨收。
不是劍南風景別，夕陽城外五雲流。

書崖夕照

尚書身後事成空，剩得兼山晚照紅。
忠義琅琅塞劍閣，蘋蘩香祀豈能窮。

劍州志

詩銘

十

宿武連驛覺苑寺次陸放翁韻 盧 雍

野寺經行不用期，前朝賜額少人知。
寺有宋時賜額 回看陵

谷千年事長嘯，乾坤兩鬢絲。
高閣雨來秋意早，短墻雲度夕陰遲。
鐘聲帶月催霜節，猶是山僧入定時。

重陽亭 有序

前 名

唐大中間，劍州刺史蔣侑作重陽亭於東山。
李商隱銘之，越二百餘歲，通判馬淵再建。
吳師孟記，乃宋治平二年也。
記謂溪山自古迄今，僅遇二真賞。
今以後庸知幾許年，復值其人感慨深矣。
紹興癸

西有修之者記刻剥落不可考自是亭既圯李碑亦湮沒正德戊寅知州李璧即故址復新之掘土得唐刻雍按部至喜昔之圯者興湮者出表前賢遺跡以助溪山之勝師孟之所望者又四百餘歲而始值焉□紀之以詩

鶴鳴峯翠合淚光片石遺文發秘藏萬古溪山此亭子百年風日自重陽黃花儘肯留人醉白髮偏宜落帽狂今昔休論幾真賞吟餘雙劍倚天長

劍門道中

前名

劍州志

詩銘

十一

行行劍門近漸覺險峻來芟樹披蒙翳汗馬陟崔嵬溪勇石如織鼓鑄留餘材高歌倚長劍東望如燕臺

宿劍門關

前名

童時侍親庭授我蜀道難長知慕劍客西望無羽翰茲來劍門宿對酒月團團山深夜間寂地迥氣清寒一宿神猶怯再宿夢稍安六月無冰雪但覺衾裯單昔賢多賦味歲久石已剗一一爲補錄雲烟生毫端我非君王命何由駕征鞍君親未能報中心百憂攢

劍門雜詩八首

前名

崖峻溪壑深林密徑路窄重關白日開一夫萬人敵

石題大劍山

崖壑如大劍僅見一線天草莽蛇虎窟行人敢攀緣

右題小劍山

蜀道天下難劍閣天下壯兩扁雄萬古夜夜光焰放

右題文焰堂

四賢生異代高祠重劍門後人思賢心不繫此樓存

右題思賢樓

劍州志

詩銘

□十一

寒流滴崖前濕雲迷洞口自是神龍宅豈曰逋逃藪

右題龍崖

蜀國利金牛五丁鑿山道道通取滅亡金玉信非寶

右題石牛道

古寺今荒涼禪師修道處山深虎豹多凡僧不敢住

右題誌公寺

招提劍峯頂險絕四無隣仙臺夜光發不見煉丹人

右題梁山寺

安樂泉銘

前名

劍州城西半里許有泉一泓居民日用之所資者也宋張珣隸書安樂泉三大字刻石泉上予而甘之惜郡乘弗錄爲之銘

劍陽之西峰岫聯絡爰有寒泉密邇城郭居人攸口井不待鑿石罅涓涓四時不涸其色澄鮮其聲澗潏喬水蔭流雙幹聳壑穹碑古隸大書安樂駐車泉旁引杯深酌其味孔嘉其名不惡我願我民世享其渥渴焉斯飲熱焉斯濯既安且樂災咎弗作泉不言利

劍州志

詩銘

十二

其利且博我銘章之貞珉是托

重陽亭次韻

李璧

曰射陰巖發紫光登臨對酒問行藏菊花應笑容顏老杜實還驚日月陽身困簿書終是俗心隨鹿豕欲成狂停車漫把塵纓濯綠靜聞溪繞檻長

題劍門

前名

蜀門誰肇闢渾沌自能神秦詐金牛過唐衰玉輦巡水聲如弔古草色自成春設險閑雙劍時平且揆文

兼山書院落成因示諸子

陳叔美

絃誦聞溪畔，文光皎日懸。
帳開追白鹿，簪合重青氈。
院古松凝霧，窻虛草帶烟。
兼山遺範在，更讀八圖篇。

題劍門關

易寬

一關高峙萬峯盤，遠客初驚蜀道難。
猛虎長蛇疑隱見，鈛矛利戟鬪巔岬。
雲開錦繡青天近，雪積瓊瑤白日寒。
却笑英雄曾據險，不知此地有奇觀。

寄題劍門

楊吉關中人

扱圖遙望劍門山，西蜀安危在此間。
峻壁凌空開鳥

劍州志

詩銘

十三

道飛梁緣閣，引重關。峰回雙劍青霄迥，鎖固三巴紫塞間。
漫擬扶筇登絕巘，丹梯萬丈杳難攀。

遊重陽亭

姜漢郡明經

幾年燈火宿重陽，瞬息光陰暑復涼。
楊柳更嫌秋去老，菊花尤喜晚來香。
山高豈阻登臨客，筇泛偏多繾綣觴。
撫罷焦桐音未歇，一聲松響鶴鳴岡。

國朝詩

金城寺

喬鉢

江昏山氣黑，谷隱暮雲屯。
斜磴前朝砌，橫橋近劫存。

岩花新發蕊古栢未招魂
摹碣尋遺跡荒唐難與論
題廢囿龍寺壁
前名

時來泥土竟是金身
時去金身依然泥土
試問菩薩金剛
那是本來面目
前名

題安樂泉
前名
當日琅璫過劍前
何安何樂號山泉
風流帝子多清事
只少楊妃手自煎

題鄧艾廟

前名

陰平北望尚嵯峨
底事於今竟若何
漢祚已非曹氏

劍州志

詩銘

十四

假將軍遺恨未消磨

禱龍窟

詳見五子山

前名

觸藤入谷口、遂與人境絕、溪流導我轉、十步迷曲折、
梅刺牽人衣、苔老怪石滑、欹崖突橫出、側立根已齧、
逡巡未敢前、仰視愁崩壓、扶筇進二里、下上遭數跌、
斜徑通山腰、陰巖繁蔭樾、檨葉積何年、匍匐兩脛滅、
草中聞滴瀝、不知爲風穴、寒泉滃磧沙、穴風吹凜冽、
相戒勿擊敲、動則狂風發、再進徑忽窮、削壁垂十尺、
俯窺足難容、條葛誰爲設、攀縋次第墜、幽窞乃別闕、

冷氣襲人來纔見老龍窟窟上橫天橋儼如峙魏闕
其深不可入對之心神憒靈籟陰壑生寧敢爲褻越
雷經肅官儀展拜精誠竭

翠雲廊 有序

前名

自劍閣南至閬州西至梓潼三百餘里明正德時
知州李璧以石砌路兩旁植栢數十萬今皆合抱
如蒼龍蜿蜒夏不見口鉢因題曰翠雲廊且賦詩
云

劍門路崎嶇凹凸石頭路兩行古栢植何人三百長

劍州志

詩銘

十五

程十萬樹翠雲廊蒼烟護苔花蔭雨濕衣裳
回柯垂葉涼風度無石不可眠處處堪留句
龍蛇蜿蜒山纏互傳是昔年李白夫
竒人怪事教人妬休稱蜀道難
錯莫劍門路

過劍門

王士禎

銅鶴香浮御闥溫十年講幄奉君恩
此身未了詩中画細雨騎驢入劍門

劍門歌

左 斲 桐城人

大劍之山轟然起北距劍州六十里一山兩斷狀若

門秦蜀相通道由此我昔懷遊已有年己丑冬杪始
着鞭途半望山山巍巍離竒天矯和雲烟既到山前
覩崑萃駭目驚心說不出况有李杜詩在碑小巫如
何更捉筆感彼友朋苦索歌勉強也爲君畧述蛇龍
之居誰敢集鬼斧劈劃森壁立大驅龍蛇走行人割
據紛紛眞宰泣曲曲折折一線路入門出門八百步
雙崖對峙倚層霄縣瀑飛流冷下注林巒陰翳鬱蒼
蒼仰首青天訝日暮大劍溪疾怪不高谿水鑿石作
怒濤長風蕭颯哀猿嘯耳邊一片聲呼號山口陡峻

劍州志

詩
銘

十
六

絕躋攀昔人踞狹立劍關梯空架木聳高閣一人拒
萬直等閒我想從古歷今幾千歲王者王稱帝者帝
恃此爲戶坐優游前有公孫後有劉李雄王建踵踐
位孟昶李順各窺伺王均吳曦明玉珍僭號紛紛何
容易須知地利不足藉具已之德當求脩公孫等輩
雖效尤何曾世世守梁州君不見小劍之山相與連
秦置金牛直幾錢蜀人貪賄弗顧國竟命五丁開山
川吁嗟乎蜀本無路可通秦鑿山成道迓秦人尚且
鑿山延禍及那有有門不得入又不見陰平之區馬

閣巖危峰巉削凌參井、縣車束馬下江油、何嘗有路
可馳騁、古人以德不以險、孟陽之銘宜猛省、而今海
晏復河清、嶽貢川珍樂太平、太平有關昏書開、我與
白雲共去來、奚必天險言崔嵬、彼古羣雄安在哉、

題劍閣

前名

夔門東制楚、劍閣北當秦、峭壁開天地、陰崖立鬼神、
窻高風力大、雲濕蘚痕新、不敢輕銘險、吟詩弔古人、

劍門讀碑

前名

李白詩碑雖未殘、苔侵蘚蝕不能看、可知苔蘚非無

劍州志

詩銘

十七

意免得人吟蜀道難、

登姜維城

前名

大劍山高接太清、峭巖攀到上頭平、當年後王已亡
國、此地姜維尚守城、南認五盤千仞合、北開古驛夕
陽明、壞墻幾歷滄桑變、惆悵春風草又生、

冬日循龍泉澗尋安樂泉

張鐸

經霜落葉破林飛、轉徑持竿上釣磯、安樂水甘時到
客、龍泉澗冷欲添衣、當年輦跡迷衰草、今日芳名著
翠微、古刻尚多苔蘚蝕、月明仔細認依稀、

丙午九月過劍門

簡州牧

薛祿天

江南無錫人

憶讀謫僊蜀道難未曾身到先膽寒
猛虎跳嘯崖谷裂猩風森凜長蛇盤
吁嗟兮劍閣之崔嵬昔人先我驚
巘岈我年三十宰長邑始經飛棧連
雲之巉巖猶幸蚕叢路方半舟楫可
通解征鞍秩滿入朝歷劍道大劍小
劍簇雲端一過劍閣十年慙十年後
又來陽安往返三過心已灰况遭讒
毀憂難寬吁嗟兮大地盡羊腸何必
此地愁漫漫不如拔劍斫其鞭斷其
軛驅車不可前跨鞍不可發讀書閉
戶忘長年任爾劍

劍州志

詩銘

十八

峰自突岬

過劍門

新繁令

王

霖

江南上元人

劍閣崔巍一徑通躋攀百級勢凌空
層巒矗峙皆朝北萬壑奔流盡赴東
自古英雄憑地險于今玉帛慶天中
捫碑漫掃殘苔讀李杜詩名孰與同

臘月十六日早雪過劍門

江由令

彭

陟

江南溧陽人

旬日連雲歲欲殘劍門曉度雪漫漫
勢驚地險兼天險時值山寒共水寒
昔閱輿愁蜀道今臨傑閣望長安
不堪憑吊傷懷抱且索梅花一笑看

過劍門途中見早梅

前名

劍閣寒雲鎖未開，清香何處暗浮來。
山靈應識春風近，先放南枝點點梅。

暮宿武連驛和陸放翁宿武連縣韻 前名

捧檄遄行慮後期，暮投古驛路難知。
山嵐濃障天邊月，臘雪新添鬢上絲。
沾到村醪愁卜醉，寒凝爐火焰生遲。
放翁漫嘆功名薄，吾更馳驅非少時。

過劍關懷諸葛武侯

遵義太守 趙挺元 山西人

竒險天開夏日寒，武侯蒼柏蔭岡巒。
壁高萬仞形如

劍州志

詩銘

十九

削磴繞千層，勢若盤在昔。兵屯原有筭，詎知毡裏出。
無端蒼穹不欲延，炎漢懷古臨風鼻也酸。

劍關懷古

灌縣令 譚璉 廣東人

立馬重門上，雙鋒倚碧蒼。
雲迷千仞拔，鏑照萬山光。
戶外分秦蜀，關中幾霸王。
原來天設險，誰作一夫當。

劍關懷古

成都令 王紹文 衡水人

劍關如劍指長空，呼吸應教帝座通。
地簇銛鋒絕鳥道，天開竒險障蠶叢。
廟謨底事忘多筭，兵法山來守不攻。
恨殺關頭西比望，陰平草色太蒙戎。

劍閣

俞都

當關一騎萬夫勝，故壘于今牧豎登。
劍外更無憑險戍，閣中却有捨茶僧。

劍關

李梅賔

飛棧連雲接劍山，馬蹄直踏白雲間。
摩空雙鶚高千丈，雄鎖巴西第一關。

安樂泉

前名

一勺城西安樂泉，佳名錫自大唐年。
殘碑剝落蒼苔續，老樹蒼葱花蔓連。
乳水汲將活火煮，蒙山摘共露

劍州志

詩銘

二十

芽煎品題幸遇明皇賞，千古清流石罅邊。

泮池落成

前名

菁菁多士列鬢庠，芹藻從今漸吐芳。
他日翩躚藜閣上，當年至止泮宮旁。
願如國學園橋盛，敢嗣文翁石室香。
地接卧龍看毓秀，更教澄碧映奎光。

題劍州八景廣盧雍韻爲五言律八首

劍閣天險

前名

劍閣稱天險，兩峯高倚天。
雲行疑障隔，鳥度亦盤旋。
虎踞長蛇伏，樑飛架木懸。
驚心兼動魄，李杜兩詩篇。

鶴鳴古刻

前名

漁陽鼙鼓發龍馭逐征鴻六旅摧強黠兩京復大同
上皇回故國元結頌神功欲識當時事鶴鳴石刻中
聞溪水雷

前名

我愛聞溪水源頭活潑來弄琴彈霹靂佈鼓發風雷
聲勢群山應波濤巨浪催奔騰江口去襄漢共潏洄
五華晴嵐

前名

照眼五峯簇嵐光潑翠明晴風霏霧捲曉日漾烟輕
娟媚春前艷孤高秋後清更宜初雨霽登眺暢口情

劍州志

詩銘

二十一

嘉陵月色

前名

皎皎天邊月悠悠江水流明月住月落大江幽
造物常無盡人生得幾遊嘉陵江上月光景自千秋
龍洞靈秋

前名

滄海蛟龍窟飛騰得自由那知斯古洞亦自有靈湫
神物能伸屈潛身暫泳游風雲一旦會霖雨遍神州
漢陽霞綺

前名

明霞爛若綺閃爍射雙眸宿雨雲初斂夕陽天際頭
鳳文疑莫比翟羽自難儔吟眺情何極奚囊一望收

書崖夕照

前名

廟廊欽大節、岩壑緬高風、留得書崖跡、長看夕照紅、
歸雲穿樹杪、宿鳥鬧林中、萬古兼山峙、餘暉共不窮、
安樂泉懷古

楊端

霓裳歡舞一朝休、疋馬琅璫過劍州、憶昔已無人共
飲、到今唯有水空流、陰巖雲暗泉聲冷、野逕花深苔
色幽、樵子不知興廢感、荷薪歌唱自悠悠

來青閣

前名

來青閣廢草萋萋、碧水空流、檻外溪見說當年歌舞

劍州志

詩銘

二十二

地於今唯聽子規啼、

昔年簪笏已成空、半畝園荒蔓草中、多少興隆何處
盡、柳條孤照夕陽紅

登劍閣

前名

竒險舊知名、登臨滿目驚、峭巖縣日月、虛閣失陰晴、
幾歷滄桑變、空留鳥雀聲、不知鍾鄧輩、辛苦爲誰爭、

孤玉山弔魏征西將軍鄧艾墓

前名

蒼蒼樹色碧氤氳、孤玉山頭弔古墳、有智獨能收蜀
漢、無成空自惜將軍、千年怨氣迷春草、三國雄圖剩

夕曛遙望陰平潛入處
戍樓烟起結愁雲

遊劍閣

前名

劍山高矗聳雲中
兩扇平分曲徑通
鬼斧劈開千仞壁
石城斜阻一溪風
猿啼樹裏聲聲應
葉落崖邊片片紅
閣上幾回搔首望
時寧唯喜戍樓空

姜維城

前名

繞崖攀上峭峯頭
故壘荒涼剩一丘
伯約還兵保劍閣
魏人裹馬下江油
可知險阻難摧敵
早是天心不祚劉
征戰事隨流水盡
廢墻殘瓦不勝愁

劍州志

詩銘

二十三

武連驛遊覺苑寺次陸放翁韻 前名

年來幽境共誰期
山徑唯應野老知
溪帶暮烟渾似浪
柳翻新綠欲成絲
苔班蝕碣留文瘦
藤蔓欺人引步遲
一自盧公重咏後
禪關寂靜幾多時

紫霄觀懷素碑 前名

駕鶴轟長空
紫霄枕山麓
石壁古遺文
依稀猶可讀
傳是懷素書
離奇照岩谷
鍊畫走龍蛇
應使神鬼哭
師去已多年
書法誰堪續
大都舉世人
輕雞愛野鶩
何事眉山公
長歌譏兩禿
只此狀林巒
勝彼書裙幅

石劍

前名

碧池方丈水溶溶，劍石稜稜獨露鋒。
快擬昆吾能切玉，光連牛斗欲成龍。
天生利器何須治，節遇盤根自可攻。
酒後興狂思一舞，幾回摩視又從容。

泮池落成紀事

前名

幾日工夫斲草萊，一朝碧沼豁然開。
利鋤不用深深掘，活水口能緩緩來。
漸覺芹香滋雨露，會逢鯉化躍春雷。
鳳凰池上絲綸客，舍此無從別問媒。

疊前韻

前名

劍州志

詩銘

二十四

儼然三島肖蓬萊，頓覺巒宮景象開。
終夜不教明月去，一春時送好花來。
眼前便是有源水平地，何難起震雷。
此去南溟無遠路，憑將利濟作梯媒。

再疊前韻

前名

曾看此地雜蒿萊，半辟於今似鏡開。
漾日每留雲影住，濯纓寧許外人來。
香風時送三秋桂，潛鯉耑聽二月雷。
寄語菁莪須着眼，等閒尺水是良媒。

雲起觀

前名

鍊性人何往，山門鎮日開。
遠看雲起處，不見鶴飛來。

野鼠眠丹竈陰廊繡綠苔是誰舊題句剥落已難猜
題鬢宮桂樹
前名

何年月中子移種近宮墻不博嬋娟愛常親俎豆光
丹心滋雨露辣性飽風霜爲報小山隱乘時折早芳
兼山書院落成紀事五首
前名

伊洛淵源得最真經筵幸得展經綸生逢僞學初興
日力薦當時第一人名與劍山同屹岬事傳青史未
沉淪須知樂善推賢意不比區區社稷臣
翊善曾傳師友兼承恩時賜水精監大星不向杭州

劍州志

詩銘

二十五

隕僞學應無紹聖嚴進德八圖頻啟沃格君三蔽抵
針砭更憐臨沒憂朝政遺表懇勤口自占

文章道德兩輝光自宋傳明失表彰李璧不經來劍
閣延平應獨著黃裳墓門古栢陰猶覆城北孤祠跡
已荒二百年來銷歇事問誰曾一念蒸嘗

昔年策蹇走通江曾記城西訪舊堂作尉已無人姓
宋題詩空有客思黃壁山想像經行處諾水長流翰
墨香一自別來今九載幾回回首向東望

兼山書院久荒蕪此日重逢李白夫不是使君崇祀

□誰知知□□□□□□
□圖□□□□中□□□
□峇□□山斗仰規模

□□山

前名

曾□西嶽□□掌記得分明似此山想是巨靈跡水
□遊□□□□力人間天光淡蕩芙蓉冷雲影參差劍
戟間□□九華峰嶺秀何如五指名孱顏

劍州志

詩銘

二十六